

Te Heheuraa Api

E ITE ʻIA OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALLESIA A IESU MESIA I TE FEIA MO'A
I TE MAU MAHANA HOPEA NEI

NENEIHIA I PAPEETE, TAHITI, I TE MAU AVA'E ATOA

Te hoo: E 30 farane i te matahiti.

Nº 11

-- NOVEMA 1950 --

MAT. 37.

TE METUA o te TAMAITI INOA IA

U A oto mau â te metua tane. Eaha te tumu te hoê o ta'na tamarii i rave ai i te reira huru ohipa? Aita to'na e hi'oraa i to'na na metua? Aita paha to'na e mau'ô faahouraa i to'na ra utuafare a faatae mai ai oia i te hoê ata poiri i nia i te reira? Aita paha to'na e here faahou i to'na mau fetii a faatupu ai oia i te oto i te mafatu o tei here mai ia'na ra.

Ua tamau noa te metua tane i te oto noaraa e, *Eaha te tumu te reira ati i tae mai ai i nia ia'u? Eaha te mea ta'u i rave tei faatae mai i te reira i nia ia'u?*

Ua riro te reira ei peapea i roto i te hoê utuafare. Ua roohia te tamaiti i te hoê peapea rahi e na te reira i haapoiri i te toea o te utuafare ra. Ua ofati oia i te hoê ture tumu o te amniraa taata, e to te Ekalesia atoa hoi, e ia hi'o noahia'tu, na na reira oia ma te huru faateoteo ra.

I to'na uiraahia'tu, aita anei to'na faaturaraa i te ture, e a ore râ, i te Ekalesia, i to'na mau taata tupu, e a ore râ, i to'na iho utuafare, ua pahono noa mai oia, *Eaha ta outou e parau ra, e faatura? Aita â vau i faaroo i tena na parau.*

Tei muri i te paruru o te oraraa o taua tamaiti ra te tumu no to'na ra huru. I to'na apî roa raa ua ineine noa oia, ua tamau maitai oia i te tahi mau peu e ua amui atura na nia i te reira. Ua hi'opoa maitai oia i to to'na metua tane ofati-rîi-
raa i te ture; ua faaroo oia i to'na metua vahine i te faahu-
ru ê raa i to'na matahiti; i te tahi mau taime ua ite oia ia
raua i te haapao-ore-raa i te mau ture a te Atua, e to te Eka-
lesia atoa hoi i nia i *te tahi nau mea rîi*, e ua faaroo oia ia
raua i te faatiaraa ia raua i te parauraa, *eaha te peapea, e*
ta taua e ino i teie mearaa; eiaha ra taua e faairi i te reira
ei peu tumu.

Aita paha na metua i faairi i te reira ei peu tumu, area te tamaiti ra, tei haapiihia e te peu o to'na na metua ia haapao ore i te mau ture i roto i te mau mea rîi ra, ua tuu i oia i te reira i roto i te mau mea rarahi. E i teie nei te anira te metua tane, no te aha.

Ua haapao anei outou i teie, i te mau vahi atoa, e tamen ihoa te mau tamarîi i te peu a to ratou mau metua? E parau mau te reira, i te rahiraa o te mau taime, no nia i te ohipa imiraa faufaa, te ohipa politita, e a ore râ, no te pae o te faaroo.

E aparau ihoa te tamaiti o te taata rave ohipa, *tei haapii hia*, no nia i te haavîraa. Te tamaiti ra a te taata hoo tao faufaa rahi ra e pee ihoa oia i te mau ferurirra imiraa faufaa a to'na ra metua. E noaa ihoa i te metua haapao ore te tamarîi haapao ore, area te metua paieti ra te tanu ra ia oia i te paieti i roto i te aaui o ta'na tamarîi. E riro te tamarîi a te feia e faahapa nei i te faatereraa, i roto i te Ekalesia, e a ore râ, i roto i te politita, i te faahapa atoa i te reira mau mea.

I te tahi mau taime e mea ohie a'e i te faahapa i te patu-
ruraa'tu: e mea ohie a'e te tamataraa i te raveraa i te ino i
te raveraa hoi i te maitai. I te tahi pae taata e mea nounou
a'e na ratou te hara i te parau-tia ra. Ia haapao ana'e te
mau metua i te mau mea faufaa ore, i roto i te mau tufaa rii
noa ra, e afai te mau tamarii, i te tahi mau taime, i te reira
mau mea e tae noa'tu i te hopea.

Te tae mai nei te peapea i roto i te mau utuafare e rave
rahi. Te maere nei te mau metua i te mea ua tae mai te rei-
ra i nia ia ratou. I te rahiraa o te mau taime te ooti nei ra-
tou i te auhune ino roa no te mau huero tei ueuehia e ratou
i roto i te pouri ra.

A haapii atu i te tamarii i te e'a te tia ia'na ia haere ra,
o te parau paari ia a to tahito ra. Area râ, ia haamana'o-
maitai-hia e, ia ravehia te reira haapiiraa i te mau mahana a-
toa e i te mau hora atoa hoi o to tatou oraraa--te hoho'a ta
te mau metua e tuu mai i mua i te aro o te mau tamarii—ia
faatano ra te mau metua to ratou oraraa i te reira hoho'a
mai te mea te hinaaro nei ratou ia tano maitai te reira i ta
ratou ra mau tamarii.

EDITORIAL

A FAAHO'I MAI IA PAPA I TE FARE.

A tuturi ai te hoê tamaiti iti, e ono to'na matahiti, i te pae
avae o to'na metua vahine no te pure, no to'na papa te pa-
rau rahi i roto i ta'na pure tei na ô e, *E tau Metua i te ao ra*
a faaho'i mai ia Papa i te fare.

A faaroo ai te Mama i te pure a ta'na tamaiti oto ihora
oia no te mea ua pure noa atoa oia no te reira no na hebedo-

hine ê atu, e a ore râ, te tane ê atu i roto i te oraraa o te mau feia faaipoipo; aita atoa'tura e tamarîi te tuturi faahou i te pae avae o to ratou metua vahine, tei î i te oto, no te ani atu i te Mana hope:

A FAAHO'I MAI IA PAPA I TE FARE.

A HAAPAO I TE MAU FAAUERAA

E Mea ohie roa, no te faatau ia haere i te mau puereraa, ia ite i te tahi mau ohipa te au ia ravehia i te mahana sabati. E au ra e ua riro te reira ei parau mau; e inaha ua iteahia ia'u te hoê a'oraa a Birigama YOUNE, no nia i te mahana Sabati tei na ô mai:

I teie nei, e au mau taeae, a haamana'o i te feia e haere nei i te vahi faaheeraa, e haere nei e faahoro i te puaahorofenua e a ore râ, e ori haere i te mahana sabati—e ua rahi hoi te reira mau mea i te raveraahia—ua paruparu to ratou faaroo. E pau riirii noa, no roto mai i to ratou mau mafatu, te varua o to ratou faaroo e to ratou mau hereraa e ia huru maoro e ite ratou i te hape i roto i to ratou mau taeae, i roto i te mau haapiiraa a te Ekalesia e i te faatereraa'toa o te reira, e i te hopea e faarue ratou i te basileia o te Atua e e haere atu ratou i to ratou pohe.

A tai'o ai au i te reira parau, e pau riirii noa, no roto mai i to ratou mau mafatu, te varua o to ratou faaroo e to ratou mau hereraa, haamana'o ihora vau i te tahi nau parau ta'u i tai'o a'enei tei na ô mai:

Eita to tatou paieti mau e mo'e taue noa na roto i te hoê haruru rahi, e mo'e ra te reira na roto i te tahe maru nocraa'tu.

Te fuariro nei te tahi pae taata i to ratou haapaoraa faaroo mai te uaua tauî o te pereoo uira o te ravehia ia tupu mai te peapea.

Ua aifaito te parau a Birigamu Youne no nia i te haapao-raa i te Mahana Sabati i te parau no te ofatiraa i te Parau Paari, te oreraa e rave i te oro'a e te haereraa i te mau puereraa autahu'araa, te faahiti faufaa ore noa raa i te i'oa o te Fatu e te oreraa e aufau i te tufaa ahuru.


Te aufauraa i te tufaa ahuru o te ohipa fifi roa a'e, no te pae varua, tei titauhia ia tatou ia haapao. Ua ite anei outou no te aha? No te mea te imi nei te reira i te ravea no te haamouraa i te mauhaa maitai a Satane, oia hoi, te hereraa i te moni. Te taata, e a ore râ, te nunaa te aufau i ta'na tufaa ahuru ra e ore roa ia oia e haamori i te auro ei mono no te Atua. Ua parauhia mai tatou e, ua riro te auro ei tumu no te mau ino atoa. Te mau ture e te mau faaueraa atoa tei horoahia mai, e to tatou Metua i te ao ra, ua horoahia mai no to tatou tupuraa i te pae varua, to tatou oaoa e te mauruuru i roto i te oraraa nei.

Ua tuuhia mai ratou no te faatupuraa e te faaoraraa hoi ia tatou i te pae varua. Ua riro ratou mai te mori i nia i to tatou aratia ia ore tatou ia mo'e mai tei parauhia a'enei na roto i te radio:

E au noa iho tatou i te ratere tei faahoro i to tatou pereoo, i te pô, na nia i te aratia. Ua tuu-maitai-hia te tahi mau tapao no te faaara mai ia tatou i te mau tipuura e te mau maa-raa purumu iino. Na te mori o to tatou iho pereoo e turama i te reira mau tapao e na ratou e faaho'i mai i te faaiteraa e, e vahi ino teie—mai te mea e mori ta tatou! Mai te mea te pouri ra to tatou mori e pouri atoa ia te mau tapao. Aita to ratou e auraa ia ore te mori ia faa ama hia.

Papaihia e Toma E. McKay

TO TATOU APOSETOLO API



I te 30 no Setepa 1950 ua maitihia e ua fariihia o Delebereta Leon STAPLEY ei melo no te Pupu Tino Ahuru ma piti no te Ekalesia a Iesu Mesia no te Feia Mo'a no te Mau Mahana Hopea Nei, e i te mahana maha, te 5 no Atopa 1950, ua faatoroahia oia ei Aposetolo, no te Ekalesia, i roto i te Hiero i Roto Miti.

Na roto i to Delebereta Stapley maitiraahia ua ô mai, i roto i te Pupu Tino Ahuru ma Piti, te hoê taata ai'a no Arizona tei haapau i te rahiraa o to'na taime i te faatupuraa i te Ekalesia i roto i to'na tufaa fenua. Na nia a'e i to'na toro'a Peresideni no te Titi o Phoenix

ua riro oia ei Faatere i te ohipa tauturu a te Ekalesia no te tufaa fenua Arizona tei amui na titi too iva, oia hoi te mau titi o Maricopa, Mesa, Mt. Graham, Phoenix, St. John, St. Joseph, Snowflake, Southern Arizona e to Young.

Ua roaa atoa ia D. L. Stapley, na nia a'e i to'na tantururaa i te Ekalesia, te roo maitai i roto i te ohipa imiraa faafaa e te ohipa politita no Arizona.

Ua fanauhia o D. L. Stapley i Mesa, Arizona, i te 11 no Titema 1896, 18 matahiti i muri noa iho to te reira oire parturaahia i roto i te hoê o te mau faa rurerupe roa a'e o te fa-

na America. Oia te piti o te tamarîi i roto i na tamarîi too
ono, e piti tamaroa e e maha tamahine, a Orley S. Stapley
raua o Polly May Hunsaker Stapley. I te ahururaa o to'na
matahiti ua haere mai to'na metua tane e parahi i roto i taua
oire iti, e maha matahiti i muri a'e i to'na faatiaraahia, e te
Feia Mo'a no te Mau Mahana Hopea Nei, i te matahiti 1878
i nia i te hoê tufaa fenua tei tae i te hoê maile tuea i te rahi,
aita i maoro ua faaruehia te reira no te parahi i nia i te hoê
tufaa fenua nainai iho.

I muri a'e i to'na faaotiraa i ta'na haapiiraa, i roto i te haa-
piiraa teitei no Mesa ua haere o D. L. Stapley ei Orometua,
i roto i te Misioni no te tufaa apatoa no America, mai te 13
no Eperera 1915 e tae noa'tu i te 4 no Tiurai 1917. Ua faataa-
hia oia, no taua ohipa ra, e Tihoti Alabera Semita i roto i to'-
natiaraa melo no te pŭpŭ Tino Ahuru ma piti. Ua riro atoa oia
ei Peretiteni no te amuiraa i Kentucky no na ava'e vau ra.

I te otiraa ta'na ohipa Orometua haere atura oia i roto i te
nuu faehau Marine, i te tama'i rahi mairi a'enei, e ua riro oia
ei orometua no te haapii i te mau faehau apî, no na ava'e e
van, i Mare Island, Tarafonia. I muri iho i te reira haere a-
tura oia i roto i te tahi pupu faehau, tei parauhia e National
Guard, no na matahiti e iva, e i to'na vaiihoraa i te reira, i
te ava'e Tenuare 1934 ua noaa ia ia'na te toro'a tomana.

Na roto i to'na hereraa e te aratairaa i te u'i apî ua riro
oia, no'na matahiti 17, ei Peresideni no te Pŭpŭ Feia Apî no
te Ekalesia i roto i te Titi o Maricopa. E i te tahi atoa pae
o te reira taime ua riro oia ei melo no te Apooraa Rahi o taua
Titi ra.

Ua faataahia o D. L. Stapley ei tauturu no J. Robereta
Price i roto i te Peresideniraa o te Titi apî no Phoenix, i te
27 no Fepuare 1938. E i to J. R. Price vaiihoraahia no roto
mai i te reira toro'a no te haereraa ei Peresideni no te Misio-

ni apī i te mau tufaa fenua i ropu i America, i te 5 no Tite-
ma 1947, ua fariihia o D. L. Stapley ei Peresideni no te Tit
o Phoenix.

Noa'tura i te reira ohipa ua noaa â ia'na te ravea ia tavi-
ni i te u'i apī na roto i te riroraa ei aratai no te Boy Scout.
Ua haamata oia i te reira ohipa i te matahiti 1918, no te ra-
hi o ta'na mau ohipa maitai te mau nei oia, i teie nei, te ta-
pao no te Silver Beaver. O oia ana'e te melo toe nei no te
mau Boy Scout tei tauturu i te faatupuraa i te Apooraa Roo-
sevelt, i Phoenix, ta'na i faatere i te na matahiti 1930-31.
A riro ai oia ei aratai no te Feia Apī, i te matahiti 1919 ua
haamata oia i ta'na ohipa no te boy scout na roto i te reira
pūpū tei vai i Roto Miti i te reira tau. Ma te tauturuhia e te
tahi atu mau taata ua faatupu oia, i te matahiti 1920, te A-
muiraa Apache i Mesa e i te matahiti i muri iho ua faa aifai-
tohia te reira i te Amuiraa Roosevelt, a faaterehia'i te reira
i Phoenix no te amuiraa'tu hoi i te mau ohipa Boy Scout
taua mau vahi ra.

Ua riro o D. L. Stapley ei melo no te Apooraa Rahi faate-
re no te Pūpū Boy Scout no America i teie na matahiti ho-
pea nei e toru e te vai melo noa nei oia i roto i te pūpū faa-
tere no te Amuiraa Roosevelt.

Na roto i te maitiraa ua riro o D. L. Stapley ei melo no te
apooraa faatere oire no Mesa, ua rave oia i te ohipa i reira
te matahiti 1921 e tae noa'tu i te matahiti 1924. E no te tau-
turu atu i to'na mau taata tupu te rave nei oia i te ohipa
roto i te tomite faatere no te taiete Central Arizona Project
tei faatupuhia no te parururaa i te tiaraa o to ratou tufaa fe-
nua i nia i te pape o te anavai ra o Colorado.

E mea pinepine roa to'na titauraahia ia haere i te oire rahi
i Washington no te mea e taata aravihi oia no nia i te ohipa
faaapu o to'na tufaa fenua. E melo atoa oia no te Tomite

faatere no te taiete Valley National, no Phoenix, tei rave i te ohipa assurance.

E melo atoa o D. L. Stapley no te Rotary Club no Phoenix, te Apooraa hoo tao'a e te Country Club no Phoenix e no te Arizona Club, oia hoi, te mau amuiraa hoa a te mau feia hoo tao'a. E peresideni tahito atoa oia no te Lion's Club no Phoenix.

I roto i te ohipa hoo tao'a e peresideni e e taata faatere o D. L. Stapley no te taiete ra o O. S. Stapley tei faatupuhia e to'na metua tane. E iva fare toa ta te reira taiete e te hoochia ra i roto i te reira te mau huru taihaa faanehehe fare, te mau trucks, te mau machine no te faaapuraa e te mau huru machine atoa ra.

Teie te mau melo o to'na utuafare, ta'na vahine o Ethel Davis Stapley e ta raua na tamarii tootoru, e piti tamahine e hoê tamaroa, e e maha atoa mootua to raua.

TE OMIPA E TE PARAU FAAITE

MAere maira te hoê vahine paari, i Tarafonia, e fa-rerei i te hoê taeae hahaeere no te ani atu ia'na e, e tia anei ia'na ia afai atu i te hoe parau poroi i te tahi taeae tei parahi i Roto Miti. Teie ta'na parau, e piti matahiti i mai-ra ua fatata roa oia i te matapohia. I muri a'e i to'na haa-maitairaahia ua maitai roa to'na mata, no reira te hinaaro nei oia ia faaite atu i te reira parau i te taeae tei tauturu i roto i te reira raveraa ra.

Ua faaite mai te hoê tamahine, hoê ahuru ma pae to'na

matahiti, o oia ana'e tei tomo mai i roto i te Ekalesia, i te huru o to'na ataraahia e to'na faainoraahia no te mea ua tia-turi oia i te evanelia i faaho'ihia mai. Noa'tura i te reira ua faaite mai oia i te parau mau e noa'tu e eaha te mea ta'na e farerei te hinaaro nei oia ia vai parau-tia noa i te evanelia a te Mesia.

I roto i te hoê pureraa iritiraa mana'o ua tia mai te hoê vahine no te faaiteraa mai i te mana no te autahu'araa e e mea maiti-mau-hia te Peropheta ra o Iosepha Semita e te Atua. Teie ta'na parau faaite, *Hoê matahiti i mairi a'enei ua faa-orahia vau i te hoê ma'i tei parauhia e eita roa e ora.*

Ua riro te Feia Mo'a ei feia faaite parau. Te tuu mai nei ratou i te mau parau faaite mana rahi no nia te ite tei noa ia ratou no nia i te ora-mau raa o te Atua e no nia i te faa-ho'iraahia mai o ta'na evanelia mau ra.

E mau parau faufaa rahi mau te reira mau parau faaite. Na te Varua o te Atua e faaite mai, i to tatou mau varua, i te parau mau o te reira mau mea mai te mea te vai ra to tatou tiaturiraa no te faarooraa'tu i te reira.

Area râ ua hau atu to te Fatu titauraa ia tatou i nia a'e i faaiteraa i to tatou faaroo e ta tatou mau parau faaite. E e re ana'e to'na i te hinaaro ia faaite atu tatou i to'na maitai i nia ia tatou e ia faaite atoa tatou i to tatou faaroo Ia'na, ia tavini mau ra tatou ia'na e tae noa'tu i te hopea o to tatou oraraa nei. Ua rave rahi te taata tei faaite mai i te mau ohipa rarahi, no te pae varua, tei farereihia e ratou e i te hopea ua haere ê ratou, ua mo'e te reira mau mea ia ratou no te mea ua pee ratou i te mau hinaaro o te pae tino nei.

Teihea ia to tatou tiaraa? Te vai nei anei te puai no te haamana'o-noa-raa i te mau parau faaite ta te Atua i horoa mai na tatou ma te faaau i to tatou oraraa i te reira, e a ore râ e riro tatou ei feia haamana'o ore ma te vaiho, i tera taima

e i tera taime, te reira mau parau faaite i te hiti no te haapaoraa'tu i te mau mea o te ao nei?

Hoê â te parau, i teie tau, i to te tau tahito, tei na ô mai, e mea pohe te faaroo mai te mea aita e ohipa. Eita te tiaraa ana'e, e a ore râ, ta tatou mau parau faaite e faaora ia taton. E mea tia ia ama ta tatou mau parau faaite i roto i to taton mau aaui ia tia ia faatupu te reira i te faahuru ê raa i roto ia tatou. E mea tia ia faa-fanau-faahou-hia tatou. E ia faa-fanau-apî-hia tatou e tia ia, ia tatou, ia haamata i te hoê oraraa apî mai te vaiho atu i ta tatou mau peu tahito o te ao nei a ora'tu ai i te hoê oraraa tei aifaito i to te Mesia.

Ua amuihia i roto i te oraraa tei au i to Mesia te ohipa e te taviniaa. Ua amuihia, i roto i te reira, te rave-mau-raa i te mau ohipa a te Ekalesia. O tatou te feia rave ohipa i roto i te ô vine. Te tiatuni nei te Fatu ia riro tatou ei faufaa na'na e ia faahotu mai tatou i te hotu o te parau-tia. E teie ia te auaa o te reira mau mea atoa, oia hoi, ia amui-hoê-hia te faaroo e te ohipa.

E parau mau ihoa, ia vai mau ta tatou mau faaiteraa parau; area râ aita to te reira e faufaa mai te mea eita tatou e haapao i te evanelia.

Ua riro te evanelia ei tufaa e ei huru no te oraraa. Ia rave-mau-hia te reira i te mau mahana atoa. E te auaa o te reira o te faaroo ia e te ohipa, e na te reira e horoa mai i te maramarama i nia i te parau ra, *E mea pohe te faaroo mai te mea aita i amuihia i te ohipa.*

A FAA ITOITO I TE

MAU MELO PARUPARU

TE hoê o te opuaraa rahi o te Ekalesia o teie ia, te haamaitairaa ia i te oraraa o te feia tei farii i te parau mau. E utu'a rahi mau te reira.

Te vai nei, i roto i te mau Amaa o te Ekalesia te tahi mau

melo tei haapao ore i te mau haapiiraa o te evanelia e te ore e haere faahou, no te hoê tumu, e a ore râ, no te tahi tumu, i te mau putuputuraa e te mau pureraa oro'a.

O ta tatou ia ohipa te imiraa i te mau ravea atoa no te faa-ho'iraa mai ia ratou i roto i te raveraa i te mau ohipa a te Ekalesia. O tatou *te mau tia* o to tatou mau taeae e e mea tia ia vai mau te reira ite i roto ia tatou.

E mea tia ia farerei-pinepine-hia te reira mau melo na roto i te faaoromai. E mea tia ia faaitoitohia e ia faatae faahou ia ratou te ite e i te haro'aro'araa i te unauna o te evanelia e te mau maitai hoi e noaa mai na roto i te riroraa ei melo rave ohipa i roto i te Ekalesia.

Te nahea nei tatou, te mau feia faatere no te mau pūpū faatere no te autahu'araa, te rave nei anei tatou i ta tatou ohipa faaitoitioraa i te mau melo paruparu tei faatau i te haere mai i ta ratou mau putuputuraa?

Te haapao nei anei te mau taeae hahae i ta ratou ohipa na roto i te maru, e te tia hoi, ma te imi i te mau ravea atoa ia faaho'i mai te mau melo paruparu i roto faahou i te ohipa i roto i te Ekalesia?

I roto i to outou tiaraa Peretiteni Amaa e te Peretiteniraa Mataeinaa, te tia maitai nei anei outou i ta outou mau nānā ia ore te tahi pae o ratou ia taa ê, e a ore râ, ia mo'e i te mau tau i mua nei? Te tamata mau nei anei outou i te faa-ho'i mai i tera mau taure'are'a, e te mau taata paari hoi, tei mau i te hoê toro'a i roto i te Autahu'araa a Aarona, i roto i te ohipa no te mea ua faatau ratou na roto i te haapao ore, te paruparu o to ratou mau utuafare, e a ore râ, to ratou peeraa i te mau peu a to te ao nei? O ta tatou ia te reira ohipa te rave-noa-raa i te ohipa i pihaiho ia ratou no te faaho'iraa mai ia ratou i roto i te ohipa.

E o tatou nei, i roto i to tatou tiaraa melo noa, te imi nei

anei tatou i te mau ravea, mai te taeae mau, te tuahine mau e te taata tupu mau, i pihaiho i te ore e farii nei i te mau maitai e te mau haamaitairaa ta te Ekalesia e horoa nei na to'na mau melo itoito e te haapao maitai hoi.

Te anihia'tu nei outou ia feruri maitai i nia i te ohipa no te mau melo paruparu o te Ekalesia. Noa'tu e hoa noa iho, e taata tupu noa iho, e a ore râ, e fetii noa iho, a imi tatou i te mau ravea, na roto i te here e te faaoromai, ia roaa mai to ratou hereraa e to ratou faaturaraa mai e ia tauturu atu ia ratou ia ite faahou ratou i te nehenehe o te Evanelia. A faa-ho'i mai ia ratou i roto i te ohipa ia tia ia oaoa faahou ratou i te mau haamaitairaa o te Evanelia e ia tai'o faahouhia ratou i roto i te mau melo rave ohipa no te Ekalesia a Iesu Mesia.

TE HAERE NEI TE EKALESIA I MUA

Mai te 11 no Atopa e tae noa'tu i te 1 no Novema ua tomohia, e te mau feia faatere no te Ekalesia, 15 fare pureraa api tei faatiahia i roto i te mau Amaa, e te mau Titi, no te Ekalesia e vai nei i te fenua America e i te fenua Canada.

I roto i te reira rahiraa fare pureraa e pae tei tomohia e to tatou taeae Aposetolo ra o Mataio Cowley. Ua patuhia te reira mau fare no te mau Initia America tei itoito roa, i ta'na parauraa, i te haapaoraa i te Evanelia e te faatereraa i te mau ohipa a te Ekalesia.

I te 7 no Atopa i mairi a'enei ua faatupuhia te hoê oro'a rahi, i te Titi ra o Mt. Jordan, no te tomoraa i te hoê fare faaamuraa puaa maohi. Ua patuhia te reira fare faaamuraa puaa maohi ei tufaa na taua Titi ra i roto i te ohipa tauturu a te Ekalesia, e mai te au i te parau a te taata faatere i taua ohipa ra, o Homer W. Jaynes, ia noaa ia ratou, i te matahiti hoê, 18. 600 paunu inai puaa, oia hoi, te aifaitoraa o na puaa e 93 te tae i te faito ra e 200 paunu.

Ua patuhia te reira fare i nia i te tufaa fenua te tae i te 34 ta e te afa i te rahi, e i nia i taua fenua ra te ooti nei ratou 100 tane betteraves, e 75 tane matie maro, e 490 taamu tumu sitona maro, e 44.500 paunu sitona e e

100 pute umara putete ei maa na te mau puua.

Teie ia te faito o taua fare e te rahiraa o te mau mea tei pau no to'na hamaniraa: 136 avae i te roa e e 36 avae i te aano; ua ravehia e 2.400 piriti tima, e 792 pute tima, e 207 metera one e te iriiri, e 1.632 paunu auri faaetaeta, e 6.110 avae tuea punu tapoi fare, e 500 paunu naero, e 1.462 farero, e 15.300 avae raau, 7.200 avae iri tima, e 23 tarani peni, e 2.440 avae niunui mori uira, e 2.420 avae auri pape, e 86 avae tuyau tima 18 initi, e 45 pereorepo e e 7.140 hora ohipa tei rave noa hia ma te moni ore; e te reira no te tuuraa i na puua e 150 i roto i te hoê fare maitai.

Te manuia nei te Ekalesia i te fenua Baratane, o te parau faaite ia a M. Russ Ballard, tauturu piti no te Peresideniraa Misioni no Baratane, tei ho'i atu i Roto Miti. Te faaite maira oia e, e mea itoitro roa te mau Orometua e 240 tei rave i te ohipa i taua fenua ra no te mea, i te 2 noa iho no Setepa ua oti i te baptizohia, e ratou, e 352 melo api e te tamata nei ratou ia rahi a'e ta ratou taata e baptizo i tei baptizohia mai te matahiti 1913 mai â. Ua faaite atoa mai oia e, e mea itoitro roa te mau taeae o taua fenua ra i te faatereraa i to ratou mau Amaa e i te tautururaa hoi i te mau Orometua i roto i ta ratou ohipa.

Ua oti a'enei, i Nuhaka, Rutirani, te hamaniiraahia, e te mau taata maori, te hoê fare putuputuraa tei haamatahia e piti matahiti e te afa i mairi a'enei ia riro ei fare putuputuraa na te Ekalesia i taua oire ra. Te tumu i maoro ai te faatiaraa taua fare ra, o teie ia, ua hamanihia te reira fare mai to te tau tahito ra, e mea ootihia te mau pou atoa i te mau ootiraa tei faaite mai i te parau tuatapapa o te mau nunaa maori e te feia tei oti i taua mau pou ra e melo ana'e ratou no te Ekalesia. Te faaite-atoa-hia maira e, o te reira te fare putuputuraa maori rahi a'e no Rutirani taatoa.

Ua riro te ohipa sports ei tautururaa i te ohipa a te mau Orometua o te Ekalesia nei no te mea, i te fenua Baratane ua riro te rê, no te ohipa tairi popo, base ball, i te pupu o te mau Orometua i muri a'e i na pereraa e 13 ma te pau ore; i te fenua Tuete ua riro atoa te rê no te ohipa taora popo, basket ball, i te pupu o te mau Orometua, i muri a'e i na pereraa e ono ra, e te faaite-atoa-hia ra, mai te mea e tamau noa ratou i te manuia oratou i te haere e pere, i te fenua Farani, i te matahiti 1951. I te fenua Argentina ra ua riro te rê, no te ohipa ou'a, i te Orometua ra o Calvin Clark tei riro ei melo no te pupu *Club Estudiantes*.